



CHAT KANAD YEN SOU DWA AK LIBÈTE

Lè nou konsidere Kanada fonde sou prensip ki rekònèt pouvwa Bondye ak otorite lalwa :

Garanti dwa ak libète

1. Chat kanadyen sou dwa ak libète a garanti dwa ak libète li gen ladan li. Sèl limit li se limit rezonab lalwa rekònèt, jan yo ka pwouve sa nan yon sositèt ki lib e ki demokratik.

Libète Fondamantal

2. Tout moun genyen libète fondamantal ki parèt pi ba yo : a) libète konsyans ak libète pou yo pratike reliyon yo vle; b) libète pou yo panse jan yo vle, libète pou yo kwè nan sa yo vle, libète pou yo bay opinyon yo ak libète pou yo pale, sa gen ladan l libète pou laprès ak pou tout lòt kalite mwyan komunikasyon yo; c) libète pou yo fè reyinyon nan lòd ak lapè; epi d) libète pou yo kreye asosyasyon.

Dwa demokratik

3. Tout sitwayen Kanada gen dwa pou yo vote epi pou yo kandidata nan eleksyon lejislatif federal oubyen pwovensyal. 4. (I) Okenn Chann Depite, okenn asanble lejislatif pa ka kontinye ap fonksyon pou plis pase senk lane apati dat ki fiks pou eleksyon jeneral yo. (2) Nan ka kote gen lagè, envazyon oswa soulèvman oubyen si yo prevwa possiblité pou gen lagè, envazyon oswa soulèvman, kò lejislatif la oswa Palman an ka otorize asanble lejislatif la chanm depite a pou kontinye fonksyon apre senk lane, sof si gen plis pase yon tyèn nan chanm depite a oswa nan asanble lejislatif la kò vote kont pwolongasyon tan an. 5. Palman an ak kò lejislatif la dwe reyini omwen yon fwa chak douz mwa.

Dwa pou moun deplase

6.(I) Tout sitwayen Kanada gen dwa pou yo rantre Kanada, pou yo rete nan peyi a oubyen pou yo kite peyi a. (2) Tout sitwayen Kanada ak tout etranje ki gen rezidans pèmanan Kanada gen dwa : (a) pou yo deplase epi pou yo al viv nan nènpòt pwovens nan peyi a; epi (b) pou yo chèche penkotidyen yo nan nènpòt pwovens nan peyi a. (3) Dwa ki ekri nan paragrap (2) a dwe respekte : (a) tout lwa ak abitid jeneral ki an vigeò nan yon pwovens, depi lwa sa yo pa tabli difersans pou moun apati pwovens yo t ap viv la oubyen pwovens kote y ap viv la; epi (b) tout lòt lwa ki gen regleman rezonab son rezidans kòm ekzijans pou yon moun resevwa sèvis sosyal nan men gouvènman an. (-4) Paragrap (2) ak paragrap (3) nan atik 6 la pa anile okenn lwa, pwogram osnon aktívite ki gen pou objektif amelyor kondisyon moun ki defavorize sosyalman oubyen ekonomikan si pousantaj moun ki gen travyan nan pwovens lan pi ba pase pousantaj moun ki gen travyan nan tout peyi a.

Dwa Legal

7. Tout moun nan Kanada gen dwa pou yo gen lavi, libète ak sekirite pèsònèl yo ; pèsonn pa ka retire dwa sa yo, sof nan ka kigen rapò ak prensip jistis fondamantal yo. 8. Tout moun fèt pou gen pwoteksyon kont fous ak sezi ki pa rezonab. 9. Tout moun gen dwa pou anpeche lòt moun kenbe yo sou siveyans oubyen anprizonnen yo san rezon. 10. Tout moun gen dwa, si y ap arete yo oswa voye yo nan prisou : (a) pou yo enfòme yo rapidman sou rezon arrestasyon an; (b) pou yo konsilte yon avoka san delè epi pou yo jwenn enfòmasyon ki fè yo konnen yo genyen dwa sa a; epi (c) egzjite pou demonstre yo siveyans arrestasyon avèk bonjan prèv legal, epi pou yo libere yo si arrestasyon an illegal. Il. Nènpòt moun yo di ki vyole lalwa gen dwa : (a) pou li konnen san delè anòmal enfraçyon li komèt la; (b) pou li pase devan tribinal nan yon tan rezonab; (c) pou yo pa fose l temwaye kont pwòp tèt li nan akizasyon yo pote kont li pou you zak yo ap repwoche li; (d) pou yo rekònèt li inosan jouskaske yo jwenn prèv li koupab devan lalwa apre yon seyans piblik nan yon tribinal endependan epi san paspouki; (e) pou li gen libète sou kosyon, amwenska ka a ta twò grav pou sa; (f) pou li benefise yon jijman devan jiri lè pén maksimòm pou enfraçyon an se senk an prisou oubyen yon santama ki pi lou, sof nan ka enfraçyon ki gen rapò ak lajistis militè; (g) pou yo deklare li koupab pou yon aksyon oubyen yon omision ki pa t yon enfraçyon nan moman li te fè l la, keseswa dapre lalwa kanadyen, lawa




entènasyonal oswa prensip jeneral lalwa tout peyi sou latè rekònèt ; (h) yon bò, pou yo pa jije l ankò pou yon enfrakson yo te dejà deklare li inosan, yon lòt bò, pou yo pa jije l ni pini l ankò pou yon zak yo te dejà deklare l koupab e yo te dejà pini l; epi i) pou li jwenn pinisyon ki pi piti a si pinisyon pou zak li te komèt la chanje pandan tan ki pase ant moman li te komèt zak la ak moman kondanasyon an. 12. Tout moun gen dwa pou yo jwenn pwoteksyon kont tremtan oubyen pinisyon ki kriyèl oswa ki depaman ak pinisyon yo abitye bay moun. 13. Lè yon moun fè yon temwayaj, yo pa dwe sèvi ak temwayaj sa a pou yo akize li nan lòt seyans tribinal, amwenske yo ap poussiu li pou manti oubyen pou prèv kontradiktwa. 14. Yon pati oubyen yon temwen ki pa konprann oubyen ki pa pale lang ki sèvi pandan yon pwosè oubyen ki soud gen dwa gen yon entèpèrt.

Dwa pou gen egalite

15.(I) Tout moun egal devan lalwa epi tour moun gen dwa pou yo jwenn menm pwoteksyon ak mènn avantaj devan lalwa san diskriminasyon, an patikilye san diskriminasyon ki baze sou ras, nasionalite, orijin etnik, koulè, relijon, seks, laj oubyen enkapasite fizik oswa mantal. (2) Paragrap (1) an pa entèdi okenn lwa, pwogram oubyen aktívite ki genyen wòl pou amelyor kondisyon moun oubyen gwoup moun ki dezavantaje akoz ras yo, nasionalite yo, orijin etnik yo, koulè yo, relijon yo, seks yo, laj yo, enkapasite fizik osnon matal yo genyen.

Lang ofisyèl yo nan Kanada

16.(I) Angle ak franse se de lang ofisyèl Kanada epi yo genyen menm fòs, menm dwa ak mènn privilèj li y ap sèvi ak yo nan Palman an ak nan gouvènman Kanada. (2) Angle ak franse se de lang ofisyèl Nouvo Bwonnswik. Yo genyen menm fòs, menm dwa ak mènn privilèj li y ap sèvi ak yo nan tout enstisyon kò lejislatif la ak nan gouvènman Nouvo Bwonnswik. (3) Pa gen anyen nan chat sa a ki lime otorite Palman an oubyen otorite yon kò lejislatif nan efò y ap fè pou gen egalite nan plas yo bay lang angle ak lang franse an nan fason yo sèvi ak de lang sa yo. 16.1 (I) Kominote ki pale angle ak kominote ki pale franse nan Nouvo Bwonnswik yo gen menm fòs, menm dwa ak mènn privilèj, sa gen ladan l dwa pou chak kominote lengwistik sa yo gen pwòp enstisyon ansèyman ak pwòp enstisyon kiltirèl pa yo paske sa nèssè pou yo konsève epi fe pwomosyon kominote sa yo. (2) Wòl kò lejislatif la ak gouvènman Nouvo Bwonnswik la pou pwoteje epi fe pwomosyon tour lwa, dwa ak privilèj ki nan paragrap (1) an yon wòl ki konfime. 17. (I) Tout moun gen dwa sèvi ak lang angle oubyen franse nan nènpòt deba ak tout lòt aktivite Palman an. (2) Tout moun gen dwa sèvi ak lang angle oubyen franse nan nènpòt deba ak tout lòt aktivite kò lejislatif Nouvo Bwonnswik la. 18. (I) Tout lwa, rapò rankont, dosye achiv, ak jounal ki Palman an ap gen pou yo enprime epi pibl耶



nan lang angle ak franse epi vèsyon ki nan chak lang yo gen menm fòs. (2) Tout lwa, rapò rankont, dosye achiv ak jounal kò lejislatif Nouvo Bwonnswik yo ap gen pou yo enprime epi pibl耶 nan lang angle ak franse epi vèsyon ki nan chak lang yo gen menm fòs. 19. (I) Nènpòt moun ka sèvi ak lang angle oubyen lang angle pou nènpòt kòz oswa pwosed kote yo ap pase devan tout tribinal Palman an mete sou pye. (2) Nènpòt moun ka sèvi ak lang angle oubyen lang angle pou nènpòt kòz oswa pwosed kote yo ap pase devan yon tribinal nan Nouvo Bwonnswik. 20. (I) Tou moun ki nan Kanada gen dwa sèvi ak lang angle oubyen lang franse pou kominiye ak biwo pwensip oubyen administrasyon santral biwo Palman an oswa gouvènman Kanada oubyen pou yo resevwa sèvis nan men enstisyon sa yo. Menm dwa sa a valab pou nènpòt lòt enstisyon sa yo, kote : a) gen anpil moun k ap itilize lang franse oswa lang angle; b) akoz karaktè patikilye biwo a, li vin rezonab pou itilize lang angle ak lang franse. (2) Tou moun nan Nouvo Bwonnswik gen dwa sèvi ak angle oubyen franse pou kominiye ak tout biwo kò lejislatif oswa gouvènman Nouvo Bwonnswik la oubyen pou yo resevwa sèvis nan men enstisyon sa yo. 21. Atik 16 rive nan atik 20 an pa deranje dwa, privilèj ak obligasyon ki egziste oubyen ki konsène nan lòt dispozisyon nan konstitusyon Kanada a, nan sa ki konsène lang franse a oubyen lang angle a oubyen de lang sa yo ansanm. 22. Pa gen anyen, soti an atik 16 rive nan atik 20 an, ki deranje dwa oubyen privilej ki egziste swa anvan, swa apre adopson chat sa a, kit dwa ak plivilèj sa yo soti nan lwa oswa nan tradisyon peyi a, pou sa ki konsène lòt lang ki pa ni franse ni angle.

Dwa pou moun ki an minorite yo jwenn edikasyon nan lang pa yo

23.(I) Sityayen Kanada yo a) Ki nan sityayen kote premye lang yo aprann epi yo toujou kontinye konprann se franse oubyen angle epi ki minorite nan popilasyon pwovens yo ap viv la, osnon b) ki te resevwa edikasyon lekòl primè yo Kanada nan lang angle oubyen franse epi ki ap viv nan yon pwovens kote lang yo resevwa edikasyon lekòl yo se lang popilasyon minorite a, angle oubyen franse, gen dwa pou pitit yo resevwa edikasyon lekòl primè yo ak lekòl segondè yo nan pwòp lang yo anandan pwovens lan. (2) Sitwayen Kanada ki nan sityayen kote youn nan piyòt yo te resevwa oubyen ap resevwa edikasyon lekòl primè yo oubyen lekòl segondè yo nan lang angle oubyen franse nan Kanada, gen dwa pou tout pitit yo resevwa edikasyon lekòl primè yo ak lekòl segondè nan memm lang sa a. (3) Dwa sitwayen yo nan Kanada nan paragrap (1) ak paragrap (2) ki mande pou pitit yo resevwa edikasyon lekòl primè epi segondè nan lang franse oubyen lang angle nan popilasyon pwovens kote yo minorite a : (a) ap aplike toupatou nan pwovens lan depi kantite pitit sitwayen ki genyen dwa sa a sifi pou jistifye neseseite pou yo pran kòb nan kès leta pou founi timoun se yo edikasyon nan lang minorite a; epi (b) dwa sa a gen ladan l dwa pou timoun ki nan kondisyon lang

minorité sa yo genyen pwòp lekòl pa yo leta finanse, depi kantite timoun sa yo jistifye sa.

Lè pou ou sèvi ak Chat Kanadyen sou dwa ak libète

24. Nènpòt moun ki santi yo meprize oswa yo pase anba pye dwa li oubyen libète kò chat sa a garanti a, ka pote plent nan yon tribinal ki ka trete kallite dosye sa a pou li jwenn jistis nan fason tribinal la kwè li nesesè nan sikonstantan lan. (2) Lè yon tribinal ap jije yon ka ki konsène paragrap (1) an, si tribinal la dekouvrir gen prèv pou te ka jwenn yo yo te vole dwa ak libète chat sa a garanti yo, tribinal la p ap sèvi ak prèv sa yo si prèv sa yo ka sal repasyon administrasyon lajistis la.

Dispozisyon jeneral

25. Garanti chat sa a bay sou kòk dwa ak libète pa elimine dwa premye nasyon Kanada yo te toujou genyen depi lontan, dwa ki soti nan trete, elatriye, tankou : (a) dwa ak libète pwolklamasyon wayal 7 oktòb 1763 a rekonèt; epi (b) tout lòt dwa ak libète ki egziste sou fòm antant konsèn demann teritra oubyen ki ka vin genyen nan sans sa a. 26. Garanti dwa ak libète ki nan chat sa a pa elimine okenn lòt dwa ak libète ki egziste nan Kanada. 27. Tou entèpretasyon chat sa a dwe fèt nan objektif pou konsève epi valorize eritay militikiltirètout Kanadyen. 28. Kèlkeswa lòt dispozisyon nou jwenn annand chat sa a, dwa ak libète ki garanti yo aplike menm jan an ni pou famn ni pou gason. 29. Pa gen anyen nan chat sa a ki retire oubyen ki vole dwa ki garanti nan konstitusyon Kanada a parapò ak lekòl ki kreye sou baz relijon ak lekòl separe. 30. Nan chat sa a, tout aranjman ki konsène pwovens yo, kò lejislatif yo, ak asanble lejislatif yo vize tou teritra Yukon, teritra Nòdwès yo, oubyen otorite lejislatif teritra sa yo. 31. Chat sa a pa ogmante pouvwa lejislatif okenn oubyen otore.

Aplikasyon chat sa a

32.(I) Chat sa a valab pou : (a) Palman ak gouvènman Kanada nan tout domèn ki sou kont Palman an, sa gen ladan l domèn ki konsène teritra Yukon ak teritra Nòdwès yo. (b) kò lejislatif ak gouvènman nan chak pwovens, pou tout domèn ki sou responsabilite kò lejislatif la. (2) Kòm eksepsyon ak sa ki di nan paragrap (1) an, se sèlman twa lane apre atik sa a fin antre an vige atik (15) lan ap pran efè. 33. (1) Palman an oswa kò lejislatif yon pwovens ka fe pase yon lwa kò lejislatif ak lekòl lwa sa a oubyen youn nan dispozisyon ki antran li yo gen efè san okenn lyen ak yon dispozisyon ki nan atik 2 oubyen atik 7 jouk rive atik 15 nan chat sa a. (2) Yon lwa oubyen yon dispozisyon ki konsène yon deklarasyon ki respekte atik 33 sa a epi ki an vige ap efè li ta dwe genyen, pou aranjman ki an koz nan chat sa a. (3) Deklarasyon ki nan paragrap (1) atik sa a ap sispann gen efè nan dat yo prezise ladan li an oubyen, pou pi ta, senk lane apre li fin antre an vige. (4) Palman ak oubyen kò lejislatif nan yon pwovens ka adopte yon lòt fwa yon deklarasyon ki fet daprè sa ki ekri nan paragrap (1) atik 33 a. (5) Paragrap (3) a kouvrir tout deklarasyon ki fet daprè sa ki ekri nan paragrap (4) la.

Tit

34. Pati sa a rele : Chat Kanadyen sou dwa ak libète.

"Kounye a, fòk nou tabli prensip fondamantal ki ini nou kòm Kanadyen, yon fason pou, menmsi nou fidèl ak reyion kote nou soti a, nou pataje yon seri prensip epi nou viv yon fason ki fè nou fyè d' peyi sa a ki ban nou anpil libète ak yon kokenn chenn lajai."

P.E. Trudeau 1981